



KHUNSA

DIKELUARKAN OLEH :
JABATAN MUFTI NEGERI KEDAH DARUL AMAN
DENGAN KERJASAMA
MAJLIS AGAMA ISLAM NEGERI KEDAH DARUL AMAN

KANDUNGAN

SEPATAH KATA	1
DATO' MUFTI NEGERI KEDAH DARUL AMAN	
KHUNSA MENURUT ISLAM	2
1. <i>Pengertian Khunsa</i>	2
2. <i>Jenis-jenis Khunsa</i>	2
2.1 <i>Khunsa Wadhih</i>	2
2.2 <i>Khunsa Musykil</i>	5
3. <i>Kedudukan Khunsa Dalam Masyarakat</i>	7
4. <i>Pembedahan Khunsa</i>	9
5. <i>Perkahwinan Khunsa</i>	12
HUKUM MENUKAR STATUS JANTINA	15
1. <i>Pendahuluan</i>	15
2. <i>Definisi "Khunsa" dan "Mukhannath"</i>	16
3. <i>Fenomena Golongan Transeksual Atau Mak Nyah (Mukhannath) Di Malaysia</i>	17
4. <i>Keputusan Fatwa Lalu</i>	19
5. <i>Hujah dan Dalil</i>	20

SEPATAH KATA

Dato' Mufti Negeri Kedah Darul Aman.

بِسْمِ اللَّهِ الرَّحْمَنِ الرَّحِيمِ

الحمد لله رب العالمين والصلاة والسلام على إمام الداعين وسيد الذاكرين سيدنا محمد ن المبعوث رحمة العالمين وعلى آله وصحبه أجمعين . أما بعد

Saya mengharapkan agar risalah ini dapat menjadi bahan rujukan dan sebagai panduan kepada umat Islam terhadap persoalan yang nadir tetapi tidak mustahil berlaku dalam masyarakat. Kita sering bertemu dan berbincang tentang persoalan ini tetapi tidak secara spesifik dan berteraskan syariat. Justeru itu sekurang-kurangnya risalah ini mencetus suatu era baru dalam fatwa bila membincangkan isu kontemporari seperti ini.

Meskipun kita perlu melakukan penambahbaikan dari semasa ke semasa terhadap isu-isu seperti ini agar ia lebih mantap namun sebagai kelangsungan ilmu ianya perlu diterbitkan sebagai wadah fatwa kepada masyarakat demi menyedarkan masyarakat terhadap peranan fatwa itu sendiri.

Saya merakamkan ucapan terima kasih kepada pihak-pihak yang terlibat menerbitkan risalah ini dan pentashih yang memberi kerjasama dan komitmen sehingga risalah ini berjaya diterbitkan. Terima kasih juga kepada pihak JAKIM, Dr. Anuar Husaini bin Hussein dari Hospital Alor Star yang telah menyampaikan taklimat berkaitan khunsa kepada Ahli Jawatankuasa Fatwa Negeri dan terima kasih juga kepada Yang Berbahagia Tuan Syeikh Abdul Hamid bin Md.Tahir yang telah memberikan sumbangan penulisan.

Semoga risalah ini dapat dimanfaatkan bagi kemuslahatan umat.

Dato' Paduka Syeikh Hasbullah bin Haji Abdul Halim,

D.H.M.S., D.S.D.K., B.C.K.

(Mufti Negeri Kedah Darul Aman)

KHUNSA MENURUT ISLAM

(Oleh Tuan Syeikh Abdul Hamid bin Haji Md. Tahir)

1. PENGERTIAN KHUNSA

Khunsa ialah manusia yang ada alat jantina lelaki dan alat jantina perempuan atau tidak ada alat jantina lelaki atau perempuan tetapi mempunyai saluran untuk membuang air kecil.

2. JENIS-JENIS KHUNSA

Khunsa terbahagi kepada dua jenis, iaitu:

1. Khunsa Wadhih (jenis yang jelas jantintanya) lelaki atau perempuan iaitu seseorang yang ada dua alat jantina: Alat jantina lelaki dan alat jantina perempuan.
2. Khunsa Musykil-khunsa yang tidak jelas alat jantintanya sama ada lelaki atau perempuan.

2.1. Khunsa Wadhih:

Ulama telah memutuskan bahawa orang yang mempunyai dua alat jantina ini boleh ditentukan lelaki atau perempuan dengan salah satu daripada tiga cara:

Pertama:

Jika ia membuang air kecil dari alat lelaki maka ia dikira lelaki dan jika ia membuang air kecil melalui alat jantina perempuan maka ia dikira perempuan.

Kedua:

Kemungkinan membuang air kecil melalui kedua-dua alat secara serentak tetapi yang satu mendahului yang satu lagi umpamanya air kencing keluar melalui alat jantina lelaki dahulu maka dikira lelaki dan jika air kencing keluar melalui alat jantina perempuan dahulu maka dikira perempuan. Keadaan ini dikira serupa yang muda atau tua.

Ketiga:

Ini adalah tertentu untuk orang dewasa sahaja iaitu jika keluar air mani melalui kemaluan lelaki dikira lelaki dan jika keluar haid melalui kemaluan perempuan maka dikira perempuan.

Ulama berselisih pendapat pada khunsa yang jelas alat jantainya tetapi berbeza pada tiga perkara:

Pertama:

Membuang air kecil melalui kedua-dua kemaluan serentak dan tidak ada yang dahulu dan kemudian tetapi banyak melalui satu alat sahaja dan tidak banyak melalui alat yang satu lagi.

Maka pendapat Imam Abu Hanifah bahawa khunsa ini tidak boleh

dikategorikan sebagai khunsa wadhih bahkan ia dikira khunsa musykil.

Tetapi mengikut pandangan Abu Yusuf, Muhammad bin Hassan al-Syaibani, Imam Malik, Imam Syafie dan Imam Ahmad bin Hanbal jika banyak keluar melalui kemaluan lelaki maka dikira lelaki dan jika banyak keluar melalui kemaluan perempuan maka dikira perempuan.

Kedua:

Tumbuh janggut; mengikut pendapat Abu Hanifah, Malik dan Ahmad bin Hanbal jika tumbuh janggut maka ia dikira lelaki. Tetapi Syafie pula berpendapat jika tumbuh janggut sahaja tidak boleh dikira lelaki kalau tidak disokong dengan tanda-tanda lain bahkan ia masih dikira khunsa musykil.

Ketiga:

Pembesaran buah dada; mengikut pendapat Abu Hanifah dan Malik jika membesar buah dada maka dikira perempuan. Tetapi Syafie dan Ahmad bin Hanbal berpendapat kalau membesar buah dada sahaja dengan tidak disokong oleh tanda-tanda lain maka tidak boleh dikira khunsa wadhih

bahkan ia masih dikira khunsa musykil. Walaubagaimanapun semua ulama bersepakat jika seseorang khunsa itu ditumbuhi janggut dan membesar buah dada maka dikira khunsa musykil kecuali jika ada tanda-tanda lain yang boleh menentukan lelaki atau perempuan.

(Rujuk Kitab أحكام الموارث ص ۲۰۱-۲۰۲ untuk khunsa wadhih dan khunsa musykil dari kitab الفقه الاسلامی وأدلته جزء ۴۲۶)

2.2 Khunsa Musykil:

Khunsa musykil ialah khunsa yang tidak jelas keadaan alat jantinya maka tidak boleh dibezakan sama ada lelaki atau perempuan seperti ia membuang air kecil melalui kedua-dua alat jantina serentak ataupun tumbuh janggut dan membesar buah dada pada masa yang sama.

Mengikut Dr. Wahbah az-Zuhaili di dalam kitab الفقه الإسلامی وأدلته muka surat 426 juzuk kelapan bahawa jika seorang khunsa berkahwin dengan seorang perempuan maka perempuan itu melahirkan anak maka khunsa itu dikira lelaki. Dan kalau khunsa itu berkahwin dengan lelaki maka khunsa itu mengandung maka ia dikira

perempuan. Pendapat Dr. Wahbah ini secara tidak langsung menjelaskan bahawa khunsa boleh berkahwin sama ada dengan lelaki atau dengan perempuan.

Manakala mengikut kitab Ahkam Alkawarith أحكام الموارث muka surat 202 pula khunsa yang mempunyai lubang untuk membuang air kecil tetapi tidak ada kemaluan lelaki dan tidak ada kemaluan perempuan maka ia dikira khunsa musykil semasa ia masih kecil. Ketentuan jantinya boleh dibuat/dikesan apabila ia dewasa kelak. Ketika dewasa, lalu keluar darah haid atau mengandung maka ia dikira perempuan. Ataupun jika ia tidak didatangi darah haid dan tidak mengandung tetapi ia menceritakan bahawa ia ada keinginan kepada perempuan maka ia dikira lelaki. Sebaliknya jika ia menceritakan bahawa ia tidak ada keinginan kepada lelaki atau kepada perempuan atau ia ada keinginan yang serupa kepada lelaki dan perempuan maka ia adalah khunsa musykil.

3. KEDUDUKAN KHUNSA DALAM MASYARAKAT

1. Aurat:

Dalam Kitab *الفقه الإسلامى وأدلته* juzuk pertama muka surat 584 menjelaskan bahawa di dalam Mazhab Hanafi dan Mazhab Syafie aurat khunsa sama seperti aurat wanita merdeka iaitu semua badan kecuali muka dan tapak tangan. Maka dikira aurat juga rambut yang terdahulu keluar dari kepala.

2. Hak Menjadi Imam Solat:

Khunsa boleh menjadi imam kepada perempuan kerana kalau diandaikan ia lelaki maka lelaki sah menjadi imam kepada perempuan dan jika diandaikan ia perempuan maka perempuan sah menjadi imam kepada perempuan.

Tetapi khunsa tidak sah menjadi imam kepada lelaki dan tidak sah juga menjadi imam kepada sesama khunsa. Ini di mana, khunsa tidak sah menjadi imam kepada lelaki kerana kalau ia perempuan maka perempuan tidak sah menjadi imam kepada lelaki. Manakala menjadi imam kepada

sesama khunsa kerana kemungkinan ia perempuan dan khunsa yang menjadi makmum lelaki – maka perempuan tidak sah menjadi imam kepada lelaki.

3. Kedudukan Khunsa Dalam Saf Solat:

Dalam Solat jemaah khunsa hendaklah berdiri di belakang saf kanak-kanak lelaki dan di hadapan saf perempuan.

4. Hukum Bersentuhan Yang Membatalkan Wudhu':

Di dalam kitab Nihayatul Muhtaj juzuk pertama muka surat 103 menyebut lelaki menyentuh lelaki sekalipun amrad yang cantik dan tidak batal wudhu' perempuan sentuh perempuan. Juga tidak batal wudhu' khunsa menyentuh khunsa atau khunsa menyentuh lelaki atau khunsa menyentuh perempuan.

5. Siapa Yang Memandikan Mayat Khunsa:

Di dalam kitab Sabilul Muhtadin juzuk kedua muka surat 72 menjelaskan bahawa harus bagi tiap-tiap lelaki dan perempuan memandikan mayat khunsa yang tidak mempunyai mahram kerana ketiadaan yang lain lagi dhaif syahwat memandinya sebab mati.

6. Cara Meletak Jenazah Khunsa:

Jenazah khunsa ketika hendak disolatkan hendaklah diletakkan sama seperti jenazah perempuan iaitu kepala mayat di sebelah kanan imam di mana imam berdiri berbetulan dengan punggung mayat sama seperti perempuan.

(نهاية المحتاج 483)
(Sila lihat muka surat 483)

7. Hukum Penerimaan Pusaka:

Dr. Wahbah az-Zuhaili di dalam kitab Al Fiqhul Islami wa adillatuh muka surat 426 juzuk kelapan menjelaskan sekiranya khunsa itu dikira lelaki atas sebab-sebab yang dijelaskan yang lepas maka ia menerima pusaka mengikut bahagian lelaki. Sebaliknya jika ia dikira perempuan maka ia menerima pusaka mengikut bahagian perempuan. Tetapi kalau ia khunsa musykil maka ia mempunyai banyak pandangan mengenai bahagiannya dalam pusaka. Maka bolehlah merujuk muka surat 427 Fiqh al-Islami juzuk 8 atau kitab *الحكام المواريث في الشريعة الإسلامية* muka surat 202 karangan Muhammad Mahyuddin Abdul Hamid.

4. PEMBEDAHAN KHUNSA

Sebelum kita membicara mengenai hukum pembedahan khunsa, adalah baik kalau kita

bicara secara sepintas lalu mengenai pembedahan mengubah jantina daripada lelaki kepada perempuan atau sebaliknya. Dr. Muhammad Khalid Mansur dalam bukunya *الأحكام الطبية المتعلقة بالنساء فى الفقه الإسلامى* muka surat 203 menjelaskan pembedahan kepada lelaki akan berlaku dalam tiga keadaan:

Keadaan pertama:

Ialah menukar wanita secara menyeluruh kepada lelaki seperti memotong terus buah dada dan membuang saluran kemaluan dengan ditanam kemaluan lelaki ditempatnya. Maka pembedahan ini adalah haram secara mutlak kerana ia dikira sebagai mengubah kejadian Allah seperti firman Allah Taala:

وَلَا ضَلَلَنَّهُمْ وَلَا مَتْنَنَهُمْ وَلَا مَرَّتَهُمْ فَلْيَبْتَكَنْ إِذَا بَكَ الْأَنْعَامِ
وَلَا مَرَّتَهُمْ فَلْيَغْيِرْ بَيْتَ خَلْقِ اللَّهِ وَمَنْ يَتَّخِذِ الشَّيْطَانَ وَلِيًّا مِّنْ
دُونِ اللَّهِ فَقَدْ خَسِرَ خُسْرَانًا مُّبِينًا ﴿١١٩﴾

Maksudnya: “Dan demi sesungguhnya, aku akan menyesatkan mereka (dari kebenaran), dan demi sesungguhnya aku akan memperdayakan mereka dengan angan-angan kosong dan demi sesungguhnya aku akan menyuruh mereka (mencacatkan binatang-binatang ternak), lalu mereka membelah telinga binatang-binatang itu; dan aku akan menyuruh mereka mengubah ciptaan Allah. Dan (ingatlah) sesiapa yang

mengambil syaitan menjadi pemimpin yang ditaati selain dari Allah, maka sesungguhnya rugilah ia dengan kerugian yang terang lagi nyata. (An-Nisaa': 119)

Keadaan Kedua:

Iaitu di mana seseorang itu tidak dapat dikesan lelaki atau perempuan maka pembedahan dapat menentukan jantinya lelaki atau perempuan.

Keadaan Ketiga:

Di mana seseorang itu ada alat jantina lelaki dan ada alat jantina perempuan maka pembedahan dibuat adalah untuk menentukan arah tuju sahaja sama ada kepada lelaki ataupun perempuan.

Maka dua suasana yang akhir ini adalah dikira sebagai sebahagian daripada penyakit yang diharuskan oleh Islam untuk mengubatnya. Maka dengan ini bermakna pembedahan yang dilakukan ke atas khunsa bagi menentukan jantinya itu adalah harus dan ia tidak dikira sebagai mengubah kejadian Allah S.W.T. kerana membiarkan khunsa dalam keadaan begitu boleh mendatangkan mudharat kepadanya sedangkan Islam itu datang membawa muslihat dan menolak kemudharatan. Maka atas kaedah inilah pembedahan khunsa adalah diharuskan.

Walaubagaimanapun pembedahan jantina khunsa atau mana-mana jantina ini mestilah mematuhi

beberapa syarat yang dikenakan dalam hukum menanam alat kelamin.

Dr. Mohd. Ali Al-Baz dalam bukunya berjudul *الموقف الفقهي والأخلاقي من قضية زرع الأعضاء* muka surat 229 menegaskan bahawa menanam atau memindahkan biji telur lelaki kepada lelaki lain atau ovari perempuan kepada perempuan lain adalah tidak harus (haram) kerana biji telur dan ovari ini akan sentiasa mengeluarkan benih sekalipun ia dipindahkan kepada manusia lain dan ini menimbulkan percampuran keturunan yang tidak diharuskan oleh Islam. Tetapi kalau memindahkan anggota kelamin yang tidak memindahkan keturunan atau anggota kelamin yang bukan zakar lelaki atau bukan faraj perempuan maka diharuskan kerana darurat sekiranya mengikut syarat-syarat dan nilai syariat Islam. Ini adalah keputusan Majlis Majma' Fiqh al Islam yang bersidang di Jeddah pada 17 hingga 23 Syaaban 1410 bersamaan 14 hingga 20 Mac 1990.

5. PERKAHWINAN KHUNSA

Dr. Wahbah az-Zuhaili menjelaskan dalam kitabnya *الفرق الإسلامي وأدلته* juzuk kelapan mukasurat 426 bahawa khunsa musykil adalah tidak tergambar untuk menjadi suami atau menjadi isteri kerana mereka tidak sah

berkahwin selagi mereka masih dalam musykil.

Tidak terdapat penegasan yang jelas dari kalangan ulama mengenai khunsa wadhih (واضح) sama ada sah atau tidak mereka berkahwin, cuma apa yang dapat disimpulkan dari pandangan ulama ini adalah berdasarkan intisari daripada sebalik penjelasan mereka sahaja seperti yang disebutkan oleh Dr. Wahbah az-Zuhaili dengan katanya: "Sekiranya khunsa berkahwin maka pasangan melahirkan anak maka ia dikira lelaki dan sekiranya ia berkahwin maka ia mengandung maka dikira perempuan". Kata-kata ini seolah menjelaskan bahawa khunsa wadhih boleh berkahwin dengan lelaki atau dengan perempuan.

Walaubagaimanapun beberapa syarat perkahwinan perlu diberi perhatian dalam menentukan sah atau tidak perkahwinan khunsa itu atau haram atau tidak perkahwinan khunsa ini dengan mengambil kira syarat-syarat perkahwinan di dalam mazhab-mazhab fiqh.

Di dalam kitab *الفقه على المذاهب الأربعة* karangan as-Syeikh Abdul Rahman al-Juzairi juzuk keempat mukasurat 5 menjelaskan

”ويكون النكاح حراما على من لم يخش الزنا وكان عاجزا عن الانفاق على المرأة من كسب حلال أو

عاجزا عن وطئها فإذا علمت المرأة بعجزه عن الوطء
ورضيت فإنه يجوز“.

Maksudnya: Diharamkan bagi seseorang yang boleh memelihara diri dari berzina itu berkahwin jika ia tahu ia tidak mampu menyara hidup perempuan yang dikahwini itu dari segi nafkah yang halal dan tidak mampu melakukan hubungan kelamin, tetapi apabila wanita yang bakal dikahwininya itu tahu bahawa ia (bakal suaminya) tidak mampu melakukan hubungan kelamin bahkan ia redha dengan hal tersebut maka diwaktu itu ia diharuskan berkahwin.

Makakala dalam kitab *الفقه الإسلامي وأدلته* juzuk ketujuh muka surat 91 mengikut mazhab Maliki bahawa syarat bakal suami bagi menentukan sah nikah empat perkara:

1. Islam sekiranya bakal isteri muslimah
2. Berakal
3. Mumaiyiz
4. Benar-benar lelaki bagi mengelak dari khunsa musykil kerana khunsa musykil tidak boleh berkahwin dan tidak boleh dikahwinkan - (تحقق الذكورة تحرزا من الخثى) - (المشكّل وإنه لا ينكح ولا ينكح)

HUKUM MENUKAR STATUS JANTINA

**(Dipetik dari kertas kerja mesyuarat panel kajian Syariah
Kali Ke 49 Jabatan Kemajuan Islam Malaysia)**

1. PENDAHULUAN

Golongan transeksual adalah golongan yang menghadapi kekeliruan identiti. Kebanyakan golongan transeksual yang menganggap diri mereka terperangkap dalam fizikal jantina yang berlawanan dengan minda dan perasaan mereka. Keyakinan ini mendorong segelintir daripada komuniti ini nekad melakukan pemindahan menukar jantina dan memohon kepada Jabatan Pendaftaran Negara untuk menukar status jantina dalam kad pengenalan mereka.

Walaupun fatwa mengenai pengharaman menukar jantina melalui pembedahan telah dimaklumi, namun pendirian dari sudut hukum syarak masih diperlukan terutama untuk melihat isu penukaran status jantina khususnya bagi mereka yang telah melakukan pembedahan pertukaran jantina. Ini memandangkan golongan transeksual ini berpandangan bahawa perubahan fizikal dari lelaki kepada perempuan atau sebaliknya tidak memadai sekiranya status jantina tidak diubah. Pertukaran ini adalah sebagai bukti pengiktirafan status jantina mereka.

2. DEFINISI KHUNSA DAN MUKHANNATH

Khunsa adalah orang yang mempunyai dua alat kelamin lelaki dan perempuan atau lubang khusus yang terdapat pada tempat kemaluan seperti alat membuang air kecil. Ulama fiqh membahagikan khunsa kepada dua iaitu khunsa Wadhih dan khunsa Musykil.

Khunsa Wadhih (غير مشكل) ialah khunsa yang nyata memiliki tanda-tanda kekelakian atau keperempuanan dan dapat dibezakan sama ada lelaki atau perempuan semasa bayi oleh warisnya melalui pemerhatian sifat dan ciri-ciri alat kelamin tersebut atau berdasarkan dari alat yang mana satu tempat keluar air kencing terlebih dahulu. Jantina bayi dapat dikenal pasti dengan jelas berdasarkan yang mana alat yang lebih dominan berbanding dengan yang satu lagi yang kurang berfungsi.

Khunsa Musykil: ialah orang yang mempunyai dua alat kelamin dan air kencing keluar serentak dari kedua-dua alat tersebut dan identiti jantinya sukar dibezakan atau hanya dapat dibezakan setelah baligh. Musykil ini hilang apabila dapat ditentukan dari mana tempat mula keluar air kencing atau yang paling banyak atau dikira yang paling akhir berhenti. (*Lihat Ibnu Qudamah, al-Mughni, Juzuk 6 hlm. 336*)

Kesimpulannya dapatlah dikatakan bahawa air

kencing merupakan tanda umum menentukan khunsa sejak kecil lagi sama ada merupakan seorang lelaki atau perempuan. Apabila anggota kelamin lelaki atau perempuan mengeluarkan air kencing serentak atau tidak dapat ditentukan kuantiti maka ia dianggap khunsa musykil. Jantina mereka hendaklah diteliti setelah baligh dengan tanda-tanda yang dikenal pasti sama ada memiliki ciri-ciri kewanitaan (seperti kedatangan haid) atau kekelakian (seperti tumbuh janggut dan bermisai)

Manakala Mukhannath pula ialah lelaki yang mempunyai tingkah laku seperti perempuan, pakaian perempuan dan berperasaan seperti perempuan.

3. FENOMENA GOLONGAN TRANSEKSUAL ATAU MAK NYAH (MUKHANNATH) DI MALAYSIA

Di Malaysia, isu transeksual dianggap sebagai fenomena yang kompleks kerana melibatkan pelbagai faktor termasuk isu biologi, psikologi, persekitaran dan sosial mereka yang terlibat. Secara umumnya gambaran masyarakat terhadap kelompok transeksual ini menjurus kepada lelaki yang bersifat keperempuanan atau perempuan yang bersifat kekelakian. Ia sering dikaitkan homoseksualiti atau lesbian iaitu suatu perlakuan

seksual manusia yang merujuk kepada reaksi erotik, fantasi dan perlakuan seksual kaum sejenis.

(Mahzan Musa, Dilema Golongan Homoseksual dipetik daripada <http://dbp.gov.my>; Mechelle Lee Wai Yee, Undering Gendered Identities? Transgenderisme in Malaysia presented in The 4th National on Gender Studies: "Men and Women in Changing Societies", 14–15 September 2002, Equatorial Hotel Bandar Baru Bangi, Selangor)

Berdasarkan keadaan ini golongan homoseksual atau lelaki yang berlagak perempuan digelar bapak, pondan dan mak nyah (mukhannath) dan mendominasi bilangan golongan transeksual mukhannath adalah istilah yang merujuk kepada orang lelaki yang mempunyai banyak sifat kewanitaan atau lemah lembut. (Ibnu Qudamah, J6 : 336) Dianggarkan terdapat lebih 10,000 mak nyah di Malaysia dan 70 hingga 80 peratus berbangsa melayu – Islam.

Secara umumnya golongan ini dianggap menyimpang dari norma masyarakat dan sering dipinggirkan. Kebanyakan mak nyah mendapat pendidikan sehingga peringkat menengah tetapi hanya 3 peratus sahaja yang berjaya melanjutkan pengajian ke peringkat pengajian tinggi. 30 peratus lagi dari mereka didapati mengalami penganiayaan seksual ketika berusia 6 hingga 15 tahun. Malah kajian mendapati ramai yang

menjadikan aktiviti pelacuran sebagai salah satu mata pencarian.

Menurut Dr. Teh Yik Khoon pensyarah bidang psikologi Universiti Utara Malaysia berdasarkan kajian ke atas 507 mak nyah mendapati hanya 19 peratus yang melakukan pembedahan pertukaran jantina. Kebanyakan dari mereka menyedari bahawa pembedahan untuk menukar jantina adalah haram seperti yang diputuskan oleh fatwa. Kajian juga mendapati asas keengganan ini adalah kerana kebimbangan mayat mereka tidak dapat dimandi, dikafan dan diuruskan dengan sempurna kerana kekeliruan status jantina. Mereka merasa aib jasad “wanita” mereka disempurnakan oleh lelaki kerana islam tetap menganggap mereka adalah lelaki walaupun dari segi fizikal tidak menunjukkan demikian. (*New Straits Times*, 14 November 2004, *Ahad melaporkan hasil kajian oleh Prof. Madya Dr. Teh Yik Khoon dari Universiti Utara Malaysia, “Dilemma of the Mak Nyah” 1997*)

4. KEPUTUSAN FATWA LALU

Muzakarah Jawatankuasa Fatwa Kebangsaan bagi Hal Ehwal Ugama Islam kali ke-4 yang bersidang pada 13-14 April 1983 memutuskan bahawa:

1. Pertukaran jantina dari lelaki kepada perempuan atau sebaliknya melalui pembedahan adalah haram di sisi syarak.

- ## 5. HUKUM DAN DALIL

Pembedahan untuk menukar jantina sama ada daripada lelaki kepada perempuan atau sebaliknya jelas bercanggah dengan hukum syarak. Perbuatan ini adalah haram kerana ia semata-mata mengikut hawa nafsu, terpedaya dengan godaan syaitan, tidak mensyukuri nikmat kejadian diri dan termasuk dalam kategori mengubah kejadian Allah S.W.T. seperti firmanNya:

20

وَلَا مَرْمَعَهُمْ فَلْيَعِزُّكَ خَلْقُ اللَّهِ وَمَنْ يَتَّخِذِ الشَّيْطَانَ وَلِيًّا مِّنْ دُونِ اللَّهِ فَقَدْ خَسِرَ خُسْرَانًا مُّبِينًا ﴿١١٩﴾

Maksudnya: Dan demi sesungguhnya, aku (Syaitan) akan menyesatkan mereka (dari kebenaran), dan demi sesungguhnya aku akan memperdayakan mereka dengan angan-angan kosong, dan demi sesungguhnya aku akan menyuruh mereka (mencacatkan binatang-binatang ternak) lalu mereka membelah telinga binatang-binatang itu, dan aku akan menyuruh mereka mengubah ciptaan Allah. Dan (ingatlah) sesiapa yang yang mengambil syaitan menjadi pemimpin yang mereka taati selain Allah maka sesungguhnya rugilah ia dengan kerugian yang nyata. (Surah an-Nisaa': 119)

Dalam konteks lelaki yang dikurniakan Allah dengan sifat lemah lembut, mereka harus redha dan berpuas hati. Amat tidak wajar mereka mengambil kesempatan daripada anugerah itu untuk menimpakan dirinya sebagai wanita dengan melayani nafsu membeli alat solek, berpakaian wanita, gerak lemah lembut gemalai dan lebih aib lagi mengadakan hubungan dengan kaum sejenis mereka. Perbuatan ini adalah

dilaknat berdasarkan kepada firman Allah S.W.T.:

وَلَوْ طَآءَ إِذْ قَالَ لِقَوْمِهِ أَتَأْتُونَ الْفَاحِشَةَ مَا سَبَقَكُمْ بِهَا مِنْ أَحَدٍ مِنَ
الْعَالَمِينَ ﴿٨٠﴾ إِنَّكُمْ لَتَأْتُونَ الرِّجَالَ شَهْوَةً مِنْ دُونِ النِّسَاءِ بَلْ
أَنْتُمْ قَوْمٌ مُّسْرِفُونَ ﴿٨١﴾

Maksudnya: Dan Nabi Luth (juga kami utuskan). (Ingatlah) tatkala ia berkata kepada kaumnya "Patutkah kamu melakukan perbuatan keji, yang tidak pernah dilakukan oleh seseorang pun penduduk alam sebelum kamu. Sesungguhnya kamu mendatangi lelaki untuk memuaskan nafsu syahwat kamu dengan meninggalkan perempuan (isteri-isteri), bahkan kamu ini adalah kaum melampaui batas". (Surah al-Akraaf ayat 80-81)

Mengulas isu homoseksualiti Dr. Yusuf al-Qardhawi berpendapat bahawa Allah bukan sekadar mengharamkan perzinaan dan homoseksualiti malah semua perlakuan yang boleh menjerumuskan diri ke arah itu. Perbuatan keji ini adalah menyalahi fitrah, penyelewengan perlakuan seks dan merupakan bentuk penindasan terhadap hak wanita. Menurut beliau lagi, penularan

aktiviti begitu boleh memusnahkan corak hidup masyarakat dan menggambarkan perhambaan kepada hawa nafsu, keruntuhan akhlak dan nilai kesopanan. (Yusuf al-Qardhawy, Islamonline.net), kisah amalan keji oleh umat Nabi Luth a.s. digambarkan oleh Allah dalam al-Quran:

أَتَأْتُونَ الذَّكَرَانَ مِنَ الْعَالَمِينَ ﴿١٦٥﴾ وَتَذَرُونَ مَا خَلَقَ لَكُمْ رَبُّكُمْ مِنْ أَزْوَاجِكُمْ
بَلْ أَنْتُمْ قَوْمٌ عَادُونَ ﴿١٦٦﴾

Maksudnya: Patutkah kamu melakukan hubungan jenis dengan lelaki dari kalangan manusia? dan kamu tinggalkan apa yang diciptakan oleh tuhan kamu untuk kamu (melakukan hubungan yang halal) dari badan isteri-isteri kamu? Kamu orang yang bersalah bahkan kamu ialah kaum yang melampaui batas (keinginan kebanyakan haiwan). (Surah al-Syu'ara: 165-166)

Selain melaknat hubungan sesama lelaki, Islam juga melarang keras lelaki yang menyerupai wanita dan sebaliknya. Lelaki berlagak perempuan dan perempuan berlagak lelaki adalah bibit-bibit maksiat yang boleh mengundang perbuatan maksiat. Sebuah hadis menyebut:

عن ابن عباس رضي الله عنهما قال: لعن النبي

صلى الله عليه وسلم المخنثين من الرجال،
والمرجلات من النساء (رواه البخاري)

Ertinya: Dari Ibnu Abbas r.a. berkata. Rasulullah s.a.w. melaknat mukhannath (lelaki yang meniru kelakuan perempuan dari kalangan lelaki dan mutarajjilah (perempuan yang meniru kelakuan lelaki) dari kalangan perempuan. (Riwayat al-Bukhari)

Dalam hadis lain pula disebut:

عن ابن عباس رضى الله عنه قال: لعن رسول الله صلى الله عليه وسلم المتشبهين من الرجال بالنساء والمتشبهات من النساء بالرجال (رواه البخاري)

Ertinya: Daripada Ibnu Abbas r.a. berkata bahawa: Sesungguhnya Rasulullah s.a.w. melaknat golongan lelaki yang menyerupai perempuan dan golongan perempuan yang menyerupai lelaki (Riwayat al-Bukhari)

Sebuah lagi hadis menyebut:

عن أبي هريرة قال: رسول الله ﷺ الرجل يلبس لبسة المرأة، والمرأة تلبس لبسة الرجل (رواه أبو

دأود والنسائي وابن حبان والحاكم وقال ك:
صحيح على شرط مسلم)

Ertinya: Dari Abu Hurairah r.a. berkata: Rasulullah s.a.w. melaknat lelaki yang memakai pakaian wanita dan wanita yang memakai pakaian lelaki.

Menurut Al-Sayyid Sabiq dalam kitabnya Fiqh al-Sunnah menyatakan Islam mengkehendaki wanita mengekalkan sifat keistimewaan pada dirinya dan menzahirkan keistimewaan itu dengan gambaran yang sebenar. Begitu juga sebaliknya bagi kaum lelaki. Oleh sebab itu, Islam melarang dan mengharamkan meniru jantina lain sama ada pakaian, percakapan, gerak geri dan sebagainya. (al-Sayyid Sabiq: 386)

Pendapat ini adalah selaras dengan pandangan Dr. Abdul Karim Zaidan yang menyatakan pengharaman itu adalah demi menjaga keperibadian, keistimewaan dan ciri kesempurnaan yang diberi oleh Allah kepada wanita dan lelaki. (Lihat Abdul Karim Zaidan: 343-344)

Dalam konteks ini, ketika mengulas larangan Islam lelaki menyerupai wanita sebaliknya, ulama kontemporari yang terkenal Syeikh Dr. Yusuf al-Qardhawy berpendapat bahawa

larangan ini adalah termasuk meniru percakapan, gerak geri, lengguk jalan, pakaian dan sebagainya. Ia bukan sahaja dilaknat tetapi bagi beliau ianya merupakan ancaman yang merbahaya kepada kehidupan bermasyarakat kerana sikap ini melanggar norma dan menentang tabiat semulajadi. Sedangkan lelaki dan perempuan dijadikan dengan keistimewaan masing-masing. (Dr. Yusuf al-Qardhawy: 84)

Di negara ini, undang-undang memperuntukkan bahawa lelaki yang berlagak seperti perempuan adalah melakukan kesalahan yang boleh dikenakan hukuman. Sebagai contoh dalam Seksyen 7 Enakmen Kanun Jenayah Syariah Negeri Kedah 1988 memperuntukkan:

“Mana-mana orang lelaki yang memakai pakaian perempuan dan berlagak seperti perempuan di mana-mana tempat awam adalah bersalah atas suatu kesalahan dan boleh disabitkan dikenakan hukuman denda tidak melebihi RM1,000.00 atau penjara selama tempoh tidak melebihi 6 bulan atau kedua-duanya”

Bagaimanapun Enakmen ini tidak memperuntukkan mengenai mana-mana perempuan yang berpakaian atau berlagak seperti lelaki di tempat awam sebagai kesalahan yang boleh dikenakan tindakan undang-undang.

فرمقوان دجاديکن دغن کايستيميوآن ماسيغ^۲
(دوکتوريوسف القرضاوي: 84)

دنکارا اين، اوندغ^۲ ممقراونتوقکن بهوا للاکي يغ
برلاقق سفرتي فرمقوان اداله ملاکوکن کسahlen يغ
بوليه دکناکن حکومن. سباکاي چونتوه دالم
سيکشين 7 اينیکمين قانون جنايه شرعية نکري
قدح 1988 ممقراونتوقکن:

”مان^۲ اورغ للاکي يغ ماکي قکاین فرمقوان دان
برلاقق سفرتي فرمقوان دمان^۲ تمقت عوام اداله
برساله اتس سواتو کسahlen دان بوليه اقبيل دثابتکن
دکناکن حکومن دندا تيدق مليهي ساتو ريبو
ريغکيت اتوقنچارا سلا ما تيمقوه تيدق مليهي انم
بولن اتو کدوا^۲ث“

باکيمانقون اينیکمين اين تيدق ممقراونتوقکن مغلأي
مان^۲ فرمقوان يغ برقکاین اتوبرلاقق سفرتي للاکي
دتمقت عوام سباکاي کسahlen يغ بوليه دکناکن
تيدقکن اوندغ^۲.

منوروت السيد سابق دالم کتابش ”فقه السنه“
 مپتاکن اسلام مځکهندقکي وانيتا مځکلکن صفة
 کايستيميوآن قد ديرپښ دان منظاهيرکن
 کايستيميوآن ايت دغن کمبران يځ سبڼر. بکيتو
 جوک سباليقښ باکي قوم للاکي. اوليه سبب ايت،
 اسلام ملارځ دان مځحرامکن منيرو جتينا لاین
 سمأدا فکاين، فرچکافښ، څرک څري دان سباکايښ
 (السيد سابق: 386)

څنداقت اين اداله سلارس دغن څنداغن دوکتور
 عبدالکريم زيدان يځ مپتاکن څمځحرامن ايت اداله
 دمي منجاځ کڅريبادين، کايستيميوآن دان چيري
 کسمڅورنآن يځ دبري اوليه الله کڅد وانيتا دان للاکي
 (ليهت عبدالکريم زيدان: 343-344)

دالم کونتيک س ايت، کتيک مڅولس لاراغن اسلام
 للاکي يځ مپروفاي وانيتا دان سباليقښ، علماء
 کونتيمڅوراري يځ ترکنال الشيخ دوکتور يوسف
 القرضاوي برڅنداقت بهوا لاراغن اين اداله ترماسوق
 منيرو فرچاکڅښ، څرک څري، ليڅکوق جالن، فکاين
 دان سباکايښ. اي بوکن سهاج دلعة تتاڅي باکي
 بلياواياښ مروفاکن انچامن يځ مربها کڅد کهيدوڅښ
 برمشاركة کران سيکڅ اين ملڅکرنيلاي نورما دان
 منتڅ طبيعة سمولاجادي. سدڅکن للاکي دان

(قرمقوان يغ منيرو كلاكوان للاكي) دري كلاغن
قرمقوان (رواية البخاري)

دالم حديث لأين قول دسبوت:

عن ابن عباس رضى الله عنه قال: لعن رسول
الله صلى الله عليه وسلم المتشبهين من الرجال
بالنساء والمتشبهات من النساء بالرجال (رواه
البخاري)

مقصودن: درقد ابن عباس رضى الله عنه بركات
بهوا: سسوغكوهن رسول الله ﷺ ملعنة كولوغن
للاكي يغ ميروفاي قرمقوان دان كولوغن قرمقوان يغ
ميروفاي للاكي (رواية البخاري)
سبواه لائي حديث ميبوت:

عن أبي هريرة قال: رسول الله ﷺ الرجل يلبس
لبسة المرأة، والمرأة تلبس لبسة الرجل (رواه أبو
داود والنسائي وابن حبان والحاكم وقال ك:
صحيح على شرط مسلم)

ارتين: دري أبي هريرة رضى الله عنه بركات: رسول
الله ﷺ ملعنة للاكي يغ مماكاي قكاين وانيتا دان وانيتا
يغ مماكاي قكاين للاكي .

آتَاوُنَ الذُّكْرَانَ مِنَ الْعَالَمِينَ ﴿١٦٥﴾ وَتَذَرُونَ مَا خَلَقَ لَكُمْ مِنْ أَنْفُسِكُمْ
بَلْ أَنْتُمْ قَوْمٌ عَادُونَ ﴿١٦٦﴾

مقصودن: فاتوتکه کامو ملاکوکن هوبوغن جنیس
دغن للاکي دري کالغن مأنسي؟ دان کامو
تیغکلکن اف یغ دچیفتاکن اولیه توهن کامو
اونتوق کامو (ملاکوکن هوبوغن یغ حلال) دري
بادن استري^۲ کامو؟ کامو اورغ یغ برساله بهکن کامو
ایاله قوم یغ ملمقاوي باتس (کایغینن کباپقکن
حیوان). (سورة الشعراء: 165-166)

سلائين ملعنة هوبوغن سسام للاکي، اسلام جوک
ملارغ کرس للاکي یغ مپروفاي وانيتا دان
سبالیقش. للاکي برلاقق فرمقوان دان فرمقوان
برلاقق للاکي اداله یییت^۲ معصية یغ بولیه مغوندغ
قربواتن معصية. سبواه حدیث مپبوت:

عن ابن عباس رضی الله عنهما قال: لعن النبي
صلی الله علیه وسلم المختثين من الرجال،
والمترجلات من النساء (رواه البخاري)

ارتیث: دري ابن عباس رضی الله عنهما برکات:
رسول الله ﷺ ملعنة مختث (للاکي یغ منيرو
کلاکوان فرمقوان) دري کلاغن للاکي دان مترجله

مقصودن: دان نبي لوط (جوڻي ڪامي
 اوتوسڪن). (ايغتلہ) تتڪالا اي برڪات ڪڏن قومڻ
 ’ڦاتوتڪه ڪامو ملاڪوڪن ڦربواتن يڻ ڪجي، يڻ تيدق
 ڦرنه دلاڪوڪن اوليه سسئورڻ ڦون دري ڦندودوق عالم
 سيلوم ڪامو. سسوغڪوهڻ ڪامو منداتغي للاڪي
 اونتوق ممواسڪن نفسو شهوة ڪامو دغن منيغڪلڪن
 ڦرمڦوان (استري^۲)، بهڪن ڪامو اين اداله قوم يڻ
 ملمڦاوي باتس‘ (سورة الاعراف آية 80-81)

مغولس ايسو هوموسيڪشواليتي (homoseksualiti)
 دوڪتور يوسف القرضاوي برڦنداغن بهوا الله بوڪن
 سقدر مڻحرامڪن ڦرزنائن دان هوموسيڪشواليتي
 (homoseksualiti) ماله سموا ڦرلاڪوان يڻ بوليه
 منجروموسڪن ديري ڪاره ايت. ڦربواتن ڪجي اين
 اداله مپالاهي فطره، ڦيليوڻغن ڦرلاڪوان سيڪ س دان
 مروڦاڪن بنتوق ڦنينداسن ترهادڦ حق وانيتا.
 منوروت بلياو لائي، ڦنولارن اڪتيويت ي بڪيني بوليه
 مموسنهنڪن چورق هيڊوڦ مشارڪه دان مڻڪمبرڪن
 ڦرهمبائن ڪڏن هاوا نفسو، ڪرونتوهن اخلاق دان
 نيلاي ڪسوفانن. (يوسف القرضاوي
 Islamonline.net)، قيصه عمالن ڪجي اوليه اومه
 نبي لوط عليه السلام دڻممبرڪن اوليه الله دالم القرآن:

مقصودن: دان دمي سسوغکوهن، اکو (شیطان)
 اکن مپستکن مریک (دري کبنران)، دان دمي
 سسوغکوهن اکو اکن ممفردایاکن مریک دغن اغن^۲
 کوسوغ، دان دمي سسوغکوهن اکو اکن مپوروه
 مریک (منچاچتکن بناتغ^۲ ترنق) لالو مریک مبله
 تلیغا بناتغ^۲ ایت، دان اکو اکن مپوروه مریک مغوبه
 چیقتان الله. دان (ایغتله) سسیاف یغ مغمبیل
 شیطان منجادی قمیمقین یغ دطاعتي سلاین الله
 مک سسوغکوهن روکیله ای دغن کروکین یغ پات
 (سورة النساء: 119)

دالم کونتیک س للاکي یغ دکورنیاکن الله دغن صفة
 له لمبوت، مریک هاروس ریضا دان برقواس هاتي .
 امت تیدق واجر مریک مغمبیل کسمقاتن درقد
 انوکره ایت اونتوق منمقیلکن دیریث سباکاي وانیتا
 دغن ملاینی نفسو ممبلی الت سولیق، برفاکین وانیتا،
 کرق کري له کمالای دان لیه عیب لاکي مغاداکن
 هوبوغن دغن قوم سجنیس مریک . قربواتن این
 اداله دلعنة برداسرکن کقد فرمان الله سبحانه وتعالی:

وَلَوْ طَآئِفٌ مِّنَ الْقَوْمِ لَفَحِشَتْ مَّا سَبَقَكُمْ بِهَا مِنْ أَحَدٍ مِّنَ
 الْعَالَمِينَ ﴿٨٠﴾ إِنَّكُمْ لَتَأْتُونَ الرِّجَالَ شَهْوَةً مِّنْ دُونِ النِّسَاءِ بَلْ
 أَنْتُمْ قَوْمٌ مُّسْرِفُونَ ﴿٨١﴾

قمبدهن .

3. سسئورغ یغ دلاهی رکن فرمقوان حکومش تتف
فرمقوان والوقون ای برجای دتوکرکن جتینان
ملالوئی قمبدهن .

4. سسئورغ یغ دلاهی رکن ”ختی مشکل“ یأیت
مأنسی یغ دلاهی رکن ممقویای دوا الت کمالوان
للاکی دان فرمقوان، دهاروسکن قمبدهن بائی
مغکلکن ساله ساتوالت جتینا یغ بنر^۲ برفوغشی
داقت دگوناکن مغیکوت کأداءن یغ سسوی .

5. حجه دان دلیل

1.5 کدودوقکن مخنت دالم اسلام

قمبدهن اونتوق منوکر جتینا سماءا درقد للاکی
کقد فرمقوان اتو سبالیقن جلس برچغکه دغن
حکوم شرع . قربواتن این اداله حرام کران ای
سمات^۲ مغیکوت هاوا نفسو، ترقدایا دغن گوداءن
شیطان، تیدق منشکوری نعمة کجادی ن دیری دان
ترماسوق دالم کاتیگوری مغوبه کجادی ن الله سبحانه
وتعالی سقرتی فرمانش:

وَلَا ضَلَالَتَهُمْ وَلَا أَمْنِيَّتَهُمْ وَلَا مَرْئَتَهُمْ فَلْيَبْتَكَنَّ إِذَا بَكَتِ الْأَنْعَامُ
وَلَا مَرْئَتَهُمْ فَلْيَغْرِتْ خَلْقَ اللَّهِ وَمَنْ يَتَّخِذِ الشَّيْطَانَ وَلِيًّا مِّنْ
دُونِ اللَّهِ فَقَدْ خَسِرَ خُسْرَانًا مُّبِينًا ﴿١١٩﴾

اونیورسیتی اوتارا ملیسیا برداسرکن کاجین کأتس 507 مق
 په منداقتی هاڅ 19 قراتوس یڅ ملاکوکن قمبدهن
 قرتوکران جنتینا. کبابقکن دری مریک مپداری بهوا
 قمبدهن اونتوق منوکر جنتینا اداله حرام سقرتی یڅ
 دقوتوسکن اولیه فتوی. کاجین جوک منداقتی اساس
 کاغکانن این اداله کران کیمباغن میت مریک تیدق داقت
 دمندی، دکفن دان داوروسکن دغن سمقورنا کران
 ککلیروان ستاتوس جنتینا. مریک مراسا عیب جسد
 ’وانیتا‘ مریک دسمقورناکن اولیه للاکی کران اسلام تتف
 مغاغکف مریک اداله للاکی والوقون دری سکی فیزیکل
 تیدق منونجوککن دمکین.

(New Straits Times, 14 November 2004, Ahad melaporkan hasil kajian oleh Prof. Madya Dr. Teh Yik Khoon dari Universiti Utara Malaysia, "Dilemma of the Mak Nyah" 1997)

4. کفوتوسن فتوی لالو

مذکره جواتنکواس فتوی کبغساءن باڅی حال احوال اکام
 اسلام کالی ک 4 یڅ برسیدغ قد 13-14 افریل 1983
 مموتوسکن بهوا:

1. قرتوکران جنتینا دری للاکی کفد قرمقوان اتو
 سبالیقن ملالوئی قمبدهن اداله حرام دسیسی
 شرع.

2. سسئورغ یڅ دلاهیروکن للاکی حکومث تتف للاکی
 والوقون ای برجای دتوکرکن جنتینا ملالوئی

سيكشوال قوم سجنيس .

(Mahzan Musa, Dilema Golongan Homoseksual dipetik daripada <http://dbp.gov.my>; Mechelle Lee Wai Yee, Undering Gendered Identities? Transgenderism in Malaysia presented in The 4th National on Gender Studies: "Men and Women in Changing Societies", 14-15 September 2002, Equatorial Hotel Bandar Baru Bangi, Selangor)

بردا سرکن کا داءن این گولو غون هوموسيکشوال اتو
للاکي یغ برلاق فرمقوان دکلر باقو، فوندان دان مق پاه
(مُحَنَّتْ) دان مندومیناسیکن بیلاغن گولو غن
ترانسیکشوال (transeksual) مُحَنَّتْ اداله اصطلاح یغ
مروجوق کقد اورغ للاکي یغ ممقویای باق صفة کوانیتاءن
اتو لمه لمبوت. (ابن قدامه، جیلید 6: 336) داغکرکن
ترداقت لبیه 10,000 مق پاه دملیسیا دان 70 هیغک 80
قراتوس بر بئغسا ملایو - اسلام.

سچارا عمومث گولو غن این داغکف میمئغ دری نورما
مشارکة دان سریغ دفیغگیرکن. کبایقکن مق پاه منداقت
فندیدیقکن سهیغک فریغکت منغه تتاقي هاڻ 3 قراتوس
سهاج یغ برجای ملنجوتکن فغاجین کفریغکت فغاجین
تیغکی. 30 قراتوس دری مریک دداقتی مغالامی
فغانیایان سیکشوال کتیک براوسیا 6 هیغک 15 تاهون.
ماله کاجین منداقتی رامی یغ منجادیکن اکتیویتی
فلاچوران سباکای ساله ساتومات فنچارین.

منوروت Dr. Teh Yik Khoon فنشرح بیدغ فسیکولوگی

سئورغ للاكي اتو فرمقوان . اقبيل اغكوتا كلامين للاكي
 اتو فرمقوان مغلواركن اير كنچيغ سرنق اتو تيدق دافت
 دتتوكن كوانتيتي (kuantiti) مك اي داغكف خشي
 مشكل . جتينا مريك هندقله دتليتي ستله بالغ دغن تند^۲
 يغ دكنل قستي سمأدا ممليقكي چيري^۲ كوانيتاءن
 (سقرتي كداتغن حيض) اتو كللاكين (سقرتي تومبوه
 جغكوت دان ميساي)

منكلا مُخَنَّتْ قول اياه للاكي يغ ممقوپاي تيغكه لاکو
 سقرتي فرمقوان، فكاين فرمقوان دان برقراسان سقرتي
 فرمقوان .

3. فينومينا كولوغن ترانسيكشوال (transeksual) اتو مق په
 (مُخَنَّتْ) دمليسيا

دمليسيا، ايسو ترانسيكشوال (transeksual) داغكف
 سباگاي فينومينا يغ كومقليك س کران مليبتکن قلباگاي
 فکتور ترماسوق ايسو بيولوجي (biologi)، فسيکولوگي
 (psikologi)، فرسکيتران دان سوشيال مريك يغ ترليبت .
 سچارا عمومث گمبران مشاركة ترهادف کلومقوق
 ترانسيكشوال (transeksual) اين منجوروس کفد للاكي يغ
 برصفة کفرمقوانن اتو فرمقوان يغ برصفة کللاکين . اي
 سريغ دکأيتکن هوموسيکشواليتي (homoseksualiti) اتو
 ليسبين (lesbian) يأيت سواتو فرلاکوان سيکشوال مأنسي
 يغ مروجوق کفد رياکسي ايروتيک، فتناسي دان فرلاکوان

خُشْتِي ادا له اورغ يځ ممقوپاي دوا الت كلامين للاكي دان
فرمقوان اتو لوبغ خصوص يځ ترداقت قد تمقت كمالوان
سقرتي الت ممبوغ اير كچيل . علماء فقه ممبهاكيكن خشتي
كقد دوا يآيت خشتي واضح دان خشتي مشكل .

خشتي واضح (غير مشكل): اياه خشتي يځ پات ممليقي
تندا^۲ كلاكين اتو كفرمقوان دان داقت ديذاكن سمادا
للاكي اتو فرمقوان سماس بابي اوليه واريش ملالوئي
قمرهاتين صفة دان چيري^۲ الت كلامين ترسبوت اتو
برداسر كن دري الت يځ مان ساتو تمقت كلواراير كنچيځ
ترليه دهولو . جنتينا بابي داقت دكلل قستي دغن جلس
برداسر كن يځ مان الت يځ ليه دومين (dominan) بربنديځ
دغن يځ ساتو لاكي يځ كورغ برفوعشي .

خشتي مشكل: اياه اورغ يځ ممقوپاي دوا الت كلامين دان
اير كنچيځ كلوار سرنق دري كدوا^۲ الت ترسبوت دان
ايدينيستي جنتينا سوكر ديذاكن اتو هاڻ داقت ديذاكن
ستله بالغ . مشكل اين هيلغ اقبيل داقت دتتوكن دري
مان تمقت مول كلواراير كنچيځ اتويځ قاليج بايق اتو دكيرا
يځ قاليج اخير برهنتي (ليهت ابن قدامه، المعني، جزوء 6 هـ 336)

كسيمقولنډ داقتله دكتاكن بهوا اير كنچيځ مروفاكن تندا
عموم منتوكن خشتي سجو كچيل لاكي سمادا مروفاكن

حکوم منوکر ستاتوس جنتینا

(دثقیق دری کرتس کرج مشوارات فینل کاجین شریعة
کالی ک 49 جباتن کماجوان اسلام ملیسیا)

1. فندهولوان

گولوغن ترانسیکشوال (transeksual) اداله گولوغن یغ
مغهادهفی ککلیروان ایدیتیتی (identiti). کباپقکن گولوغن
ترانسیکشوال (transeksual) یغ مغاغکف دیری مریک
ترقرغکف دالم فیزیکل جنتینا یغ برلاوانن دغن میندا دان
قراساءن مریک. کیقینن این مندوروغ سکلینتیر درقد
کومونیتی (komuniti) این نیکد ملاکوکن قمبدهن منوکر
جنتینا دان مموهون کقد جباتن قندفتران نکارا اونتوق
منوکر ستاتوس جنتینا دالم کارد قغنالن مریک.

والوفون فتوی مغنای قعحران منوکر جنتینا ماللوی
قمبدهن تله دمعلومی، نامون قندیرین دری سودوت حکوم
شرع ماسیه دفرلوکن تراوتام اونتوق ملیهت ایسوفنوکران
ستاتوس جنتینا خصوصن بانگی مریک یغ تله ملاکوکن
قمبدهن فرتوکران جنتینا. این مندغکن گولوغن
ترانسیکشوال (transeksual) این برفنداغن بهوا فراویاهن
فیزیکل دری للاکی کقد فرمقوان اتوسبالیقن تیدق ممدائی
سکیراث ستاتوس جنتینا تیدق داویه. فرتوکران این اداله
سباکای بوقتی قغاعترافن ستاتوس جنتینا مریک.

3. مميز

4. بنر^۲ للاکي باکي مغيلق دري خنشی مشکل کران
خنشی مشکل تیدق بولیه برکهوین دان تیدق بولیه
دکهوینکن - (تحقق الذکورة تحرزا من الخنشی
المشکل وإنه لا ینکح ولا ینکح)

دالم كتاب ”الفقه على المذاهب الأربعة“ كارغن الشيخ
عبدالرحمن الجزيري جزء كأمئت موك سورت 5
منجلسكن:

”ويكون النكاح حراما على من لم يخش الزنا وكان
عاجزا عن الانفاق على المرأة من كسب حلال أو
عاجزا عن وطئها فإذا علمت المرأة بعجزه عن الوطء
ورضيت فإنه يجوز“.

مقصودن: دحرامكن باكي سستورغيغ بوليه مملهارا ديرى
درى برزنا ايت بركهوين جك اى تاهواي تيدق ممقو مپارا
هيدوف قرمقوان يغ دكهوينين ايت درى سكي نفقه يغ
حلال دان تيدق ممقو ملاكوكن هوبوغن كلامين، تتافي
اقبيل وانيتا يغ باكل دكهوينين ايت تاهو بهوا اى (باكل
سوامين) تيدق ممقو ملاكوكن هوبوغن كلامين بهكن اى
ريضا دغن حال ترسبوت مك دوقت ايت اى دهاروسكن
بركهوين .

منكالا دالم كتاب ”الفقه الإسلامى وأدلته“ جزء كتوجوه
موك سورت 91 مغيكوت مذهب مالكي بهوا شرط باكل
سوامى باكي منتوكن صح نكاح امئت قركارا:

1. اسلام سكيران باكل استري مسلمه

2. برعقل

هيڻگ 20 ماچ 1990 .

5. فرکهوينن خشي

دوكتور وهبه الزحيلي منجلسكن دالم كتابش الفقه الإسلامي وأدلته جزء كلاښ موك سورت 426 بهوا خشي مشكل اداله تيدق تركمبر اونتوق منجادي سوامي اتو منجادي استري کران مريک تيدق صح برکهوين سلاکي مريک ماسيه دالم مشكل .

تيدق ترداقت ښکاسن يځ جلس دري کلاښ علماء مغناي خشي واضح سمأدا صح اتو تيدق مريک برکهوين، چوما اف يځ داقت دسيمښولکن دري ښنداښ علماء اين اداله برداسرکن ايټيساري درځد سباليق ښجلسن مريک سهاج سڅرتي يځ دسبوتکن اوليه دوكتور وهبه الزحيلي دځن کاتښ: ”سکيراښ خشي برکهوين مک ښساځن ملاهيرکن انق مک اي دکيرا للاکي دان سکيراښ اي برکهوين مک اي مغندوځ مک دکيرا څرمښوان“ . کات^۲ اين سئوله منجلسکن بهوا خشي واضح بوليه برکهوين دځن للاکي اتو دځن څرمښوان .

والوباگيمانښون بيراف شرط څرکهوينن څرلو دبري څرهاتين دالم منتوکن صح اتو تيدق څرکهوينن خشي ايت اتو حرام اتو تيدق څرکهوينن خشي اين دځن مغمبيل کيرا شرط^۲ څرکهوينن ددالم مذهب^۲ فقه .

اي تيدق دكيرا سباڭاي مغوبه كجادين الله سبحانه وتعالى
 کران ممبیارکن ختشی دالم کأداءن بڭیتو بولیه منداتڭکن
 مضرة کڭدان سدڭکن اسلام ایت داتڭ ممباوا مصلحة دان
 منولق کمضارتن . مک أتس قاعدة اینیله قمبدهن ختشی
 اداله دهاروسکن .

والوباڭیما نڭون قمبدهن جنتینا ختشی اتو مان^۲ جنتینا این
 مستیله مماتوهی ببراف شرط یڭ دکانکن دالم حکوم منانم
 الت کلامین .

دوکتور محمد علی الباز دالم بوکوڭ برتاجوق ”الموقف
 الفقهي والأخلاقي من قضية زرع الأعضاء“ موک سورت
 229 منکسکن بهوا منانم اتو ممیندهکن بیجی تلور للاکی
 کڭد للاکی لاین اتو اوواری (ovari) فرمقوان کڭد فرمقوان
 لاین اداله تیدق هاروس (حرام) کران بیجی تلور دان
 اوواری (ovari) این اکن سنتیاس مغلوارکن بنیه
 سکا لیڭون ای دڭیندهکن کڭد مأنسی لاین دان این
 منیمبولکن فرچمقوران کترونی یڭ تیدق دهاروسکن اولیه
 اسلام . تتافی کالو ممیندهکن اغکوئا کلامین یڭ تیدق
 ممیندهکن کترونی اتو اغکوئا کلامین یڭ بوکن ذکر
 للاکی اتو بوکن فرج فرمقوان مک دهاروسکن کران
 ضرورة سکیراڭ مڭیکوت شرط^۲ دان نیلای شریعة
 اسلام . این اداله کڭوتوسن مجلس مجمع فقه الإسلام یڭ
 برسیدڭ دجده قد 17 هیڭک 23 شعبان 1410 برسمأن 14

مقصودن: ”دان دمي سسوغځوهښ، اكو اكن مپستكن
 مريك (دري كبنران)، دان دمي سسوغځوهښ اكو اكن
 ممفرداياكن مريك دغن اغن^۲ كوسوغ، دان دمي
 سسوغځوهښ اكو اكن مپوروه مريك (منچاچتكن
 بيناتغ^۲ ترنق)، لالو مريك مبله تليغا بيناتغ^۲ ايت؛ دان
 اكو اكن مپوروه مريك مغوبه چيقتان الله. دان (ايغتله)
 سسياف يغ مغميل شيطان منجادي قميمقين يغ
 دطاعتي سلاين دري الله، مك سسوغځوهښ روځيله اي
 دغن كروځين يغ ترغ لاکي پات“. (النساء: 119)
كأداءن كدوا:

يأيت دمان سسئورغ ايت تيدق داقت دكسن للاكي اتو
 فرمقوان مك قمبدهن داقت منتوكن جنتيناڻ للاكي اتو
 فرمقوان،

كأداءن كتيك:

دمان سسئورغ ايت ادالت جنتينا للاكي دان ادالت جنتينا
 فرمقوان مك قمبدهن دېوات اداله اونتوق منتوكن اړه
 توجو سهاج سمأدا كغد للاكي اتوقون فرمقوان.

مك دوا سواسانا يغ اخيراين اداله دكيرا سباځاي سبهاځين
 درقد فپاكيت يغ دهاروسكن اوليه اسلام اونتوق
 مغوباتيښ. مك دغن اين برمعا قمبدهن يغ دلاكوكن
 كآتس ختښ باځي منتوكن جنتيناڻ ايت اداله هاروس دان

فنداغن مغناي بهاكينش دالم قساك. مك بوليله
مرجوع موک سورت 427 (فقه الإسلام) جزء 8 اتو
کتاب احکام الموارث فی الشريعة الإسلامية موک
سورت 202 کاراغن محمد محي الدين عبد الحميد.

4. قمبدهن خنشى

سبلوم کيت ممبيچارا مغناي حکوم قمبدهن خنشى، اداله
بأيك کالو کيت ييچارا سقيتنس لالو مغناي قمبدهن
مغوبه جتينا درقد للاکي کقد فرمقوان اتو سباليقش.
دوکتور محمد خالد منصور دالم بوکوڻ الأحکام الطبیسیة
المنعلقة بالنساء فی الفقه الإسلامی موک سورت 203
منجلسکن قمبدهن کقد للاکي اکن برلاکو دالم تیک
کأداءن:

کأداءن فرتام:

ایاله منوکر وانیتا سچارا میلوروه کقد للاکي سقرتي موتوغ
تروس بواه دادا دان ممبوغ سالوران کمالوان دغن دتاتم
کمالوان للاکي دتمقتش. مک قمبدهن این اداله حرام
سچارا مطلق کران ای دکیرا سباکاي مغوبه کجادین الله
سقرتي فرمان الله تعالی:

وَلَا ضَلَّ لَهُمْ وَلَا مُتَبِعَتْهُمْ وَلَا مُرْتَبِّئَتْهُمْ فَلْيَبْتَئِكُنَّ ءِذَا بَلَغَ الْأَطْفَالُ
وَلَا مُرْتَبِّئَتْهُمْ فَلْيَغَيِّرُوا خَلْقَ اللَّهِ وَمَنْ يَتَّخِذِ الشَّيْطَانَ وَلِيًّا مِّنْ
دُونِ اللَّهِ فَقَدْ خَسِرَ خُسْرَانًا مُّبِينًا ﴿١١٩﴾

خنتى مپنتوه للاكي اتو خنتى مپنتوه فرمقوان .

5. سياف يڭ ممندىكن ميت خنتى:

ددالم كتاب سبيل المهتدين جزء كدوا موك سورت 72
منجلسكن بهوا هاروس بانخي تياف² للاكي دان
فرمقوان ممندىكن ميت خنتى يڭ تيدق ممقوپاى محرم
كران كتياداءن يڭ لآين لاني ضعيف شهوة ممنديش
سبب ماتي .

6. چارا ملتق جنازة خنتى:

جنازة خنتى كتيك هندق دصلاتكن هندقله
دلتقكن سام سفرتي جنازة فرمقوان يآيت كقلا ميت
دسبله كانن إمام دمان إمام برديري بربتولن دغن
قوڭكوڭ ميت سام سفرتي فرمقوان .

(سيلا ليهت موك سورت 483 نهاية المحتاج)

7. حكوم قنريماءن قساك:

دوكتور وهبه الزحيلي ددالم كتاب الفقه الإسلامي
وأدلته موك سورت 426 جزء كلافن منجلسكن
سكيران خنتى ايت دكيرا للاكي أّس سبب² يڭ
دجلسكن يڭ لقس مك اي منريما قساك مغيكوت
بهاكين للاكي . سباليقن جك اي دكيرا فرمقوان
مك اي منريما قساك مغيكوت بهاكين فرمقوان .
تتافي كالواي خنتى مشكل مك اي ممقوپاى بايق

2. حق منجادي إمام صلاة:

خشی بولیه منجادي إمام کڤد فرمقوان کران کالو
دأندایکن ای للاکي مک للاکي صح منجادي إمام
کڤد فرمقوان دان جک دأندایکن ای فرمقوان مک
فرمقوان صح منجادي إمام کڤد فرمقوان .

تتافي خشی تیدق صح منجادي إمام کڤد للاکي
دان تیدق صح جوک منجادي إمام کڤد سسام
خشی . این دمان، خشی تیدق صح منجادي إمام
کڤد للاکي کران کالو ای فرمقوان مک فرمقوان
تیدق صح منجادي إمام کڤد للاکي . منکل
منجادي إمام کڤد سسام خشی کران کموغکینن ای
فرمقوان دان خشی یغ منجادي إمام مأموم للاکي -
مک فرمقوان تیدق صح منجادي إمام کڤد للاکي .

3. کدودوقکن خشی دالم صف صلاة:

دالم صلاة جماعه خشی هندقله برديری دبلاکغ
صف کانق^۲ للاکي دان دهداقن صف فرمقوان .

4. حکوم برستوهن یغ ممبطلکن وضوء:

ددالم کتاب نهاية المحتاج جزء قرتام موک سورة 103
مپیوة للاکي میپتوه للاکي سکالیقون أمردیغ چنتیق
دان تیدق باطل وضوء فرمقوان سنتوه فرمقوان .
جوک تیدق بطل وضوء خشی میپتوه خشی اتو

منکلا مغيکوت کتاب أحكام المواريث موک سورت 202
 قول ختشی یغ ممقوپاء ي لوبغ اونتوق ممبواغ ایر کچیل
 تتافي تیدق اد کمالوان للاکي دان تیدق اد کمالوان
 فرمقوان مک اي دکيرا ختشی مشکل سماس اي ماسيه
 کچیل . کتتوان جتینان بولیه دبوات / دکسن اقبیل اي
 دیواسا کلُق . کتیک دیواسا، لالو کلوار داره حیض اتو
 مغندوڭ مک اي دکيرا فرمقوان . اتوقون جک اي تیدق
 دداتغي داره حیض دان تیدق مغندوڭ تتافي اي
 منچریتاکن بهوا اي اد کایغینن کڤد فرمقوان مک اي دکيرا
 للاکي .

سبالیقش جک اي منچریتاکن بهوا اي تیدق اد کایغینن
 کڤد للاکي اتو کڤد فرمقوان اتو اي اد کایغینن یغ سروڤا
 کڤد للاکي دان فرمقوان مک اي اداله ختشی مشکل .

3. کدودوقکن ختشی دالم مشارکة

1. عورة:

دالم کتاب الفقه الإسلامی وأدلته جزء ڤرتام موک
 سورت 584 منجلسکن بهوا ددالم مذهب حنفي دان
 مذهب شافعی عورة ختشی سام سڤرتي عورة وانیتا
 مردیکا یأیت سموا بدان کچوالي موک دان تافق
 تاغن . مک دکيرا عورة جوک رمبوت یغ ترهولور
 کلوار دري کڤلا .

والوباگیمانثون سموا علماء برسفاکت جک سسئورغ
 خنثی ایت دتومبوهی جغکوت دان ممبسر بواه دادا مک
 دکیرا خنثی مشکل کچوالی جک اد تند۲۱ لاین یغ بولیہ
 منتوکن للاکی اتو فرمقوان .

(رجوع کتاب أحكام الموارث ص 201-202 اونتوق خنثی واضح دان
 خنثی مشکل دری کتاب الفقه الإسلامي وأدلته جزء 8 ص 426)

2.2 خنثی مشکل:

خنثی مشکل ایاله خنثی یغ تیدق جلس کأداءن
 الت جتینان مک تیدق بولیہ دیداکن سمأدا للاکی
 اتو فرمقوان سفرتی ای ممبواغ ایر کچیل ملالوئی
 کدوا۲ الت جتینا سرننق اتوقون تومبوه جغکوت
 دان ممبسر بواه دادا قد ماس یغ سام .

مغیکوت دوکتور (وهبه الزحيلي) ددالم کتاب الفقه
 الإسلامي وأدلته موك سورت 426 جزء کلافن بهوا
 جک سئورغ خنثی برکهوین دغن سئورغ فرمقوان
 مک فرمقوان ایت ملاهیرکن انق مک خنثی ایت
 دکیرا للاکی . دان کالو خنثی ایت برکهوین دغن
 للاکی مک خنثی ایت مغندوغ مک ای دکیرا
 فرمقوان . قنداقت دوکتور وهبه این سچارا تیدق
 لغسوغ منجلسکن بهوا خنثی بولیہ برکهوین سمأدا
 دغن للاکی اتو دغن فرمقوان .

واضح بهکن اي دکيرا خنشی مشکل .

تتافي مغيکوت قنداغن أبو يوسف، محمد
بن حسن الشيباني، إمام مالک، إمام
شافعی دان إمام أحمد بن حنبل جک بايق
کلوار ملالوئي کمالوان للاکي مک دکيرا
للاکي دان جک بايق کلوار ملالوئي
کمالوان قرمقوان مک دکيرا قرمقوان .

کدوا: تومبوه جغکوت؛ مغيکوت قنداقت ابو
حنيفه، مالک دان أحمد بن حنبل جک
تومبوه جغکوت مک اي دکيرا للاکي .
تتافي شافعی قول برقنداقت جک تومبوه
جغکوت سهاج تيدق بوليه دکيرا للاکي
کالوتيدق دسوکوڭ دغن تند^۲ا لاین بهکن
اي ماسيه دکيرا خنشی مشکل .

کتیک: قمبسن بواه دادا مغيکوت قنداقت أبو
حنيفه دان مالک جک ممبسر بواه دادا مک
دکيرا قرمقوان . تتافي شافعی دان أحمد بن
حنبل برقنداقت کالو ممبسر بواه دادا سهاج
دغن تيدق دسوکوڭ اوليه تند^۲ا لاین مک
تيدق بوليه دکيرا خنشی واضح بهکن اي
ماسيه دکيرا خنشی مشکل .

كدوا: كموغكينن ممبواغ اير كچيل ملالوئي
 كدوا^۲ الت سچارا سرنق تتافي يغ ساتو
 منداهولوئي يغ ساتو لاكي اومقماث اير
 كنچيغ كلوار ملالوئي الت جنتينا للاكي
 دهولو مك دكيرا للاكي دان جك اير
 كنچيغ كلوار ملالوئي الت جنتينا فرمقوان
 دهولو مك دكيرا فرمقوان. كأءان اين
 دكيرا سروفا يغ مودا اتويغ توا.

كتيگ: اين اداله ترنتو اونتوق اورغ ديواسا سهاج
 يأت جك كلوار اير ماني ملالوئي
 كمالوان للاكي دكيرا للاكي دان جك
 كلوار حيض ملالوئي كمالوان فرمقوان
 مك دكيرا فرمقوان.

علماء برسليسيه قنداقت قد خشي يغ جلس الت
 جنتيناث تتافي بريذا قد تيگ فركارا:

قرتام: ممبواغ اير كچيل ملالوئي كدوا^۲ كمالوان
 سرنق دان تيدق اديغ دهولو دان كمودين
 تتافي بايق ملالوئي ساتوالت سهاج دان
 تيدق بايق ملالوئي الت يغ ساتو لاكي.

مك قنداقت إمام أبو حنيفه بهوا خشي اين
 تيدق بوليه دكاتيگوريكن سباگاي خشي

خنثی منوروت اسلام

(اولیہ توان الشیخ عبدالحمید بن محمد طاهر)

1. فغرتین خنثی

خنثی ایالہ مأنسی یغ ادالت جنتینا للاکي دان الت جنتینا
فرمقوان اتوتیدق ادالت جنتینا للاکي اتو فرمقوان تتاقي
محقوپأي سالوران اونتوق ممبواغ ایر کچیل .

2. جنیس ۲ خنثی

خنثی تربهاکي کقد دوا جنیس، یأیت:

1. خنثی واضح (خنثی یغ جلس جنتینا) للاکي اتو
فرمقوان یأیت سسئورغ یغ اد دوا الت جنتینا: الت
جنتینا للاکي دان الت جنتینا فرمقوان .

2. خنثی مشکل - خنثی یغ تیدق جلس الت جنتینا
سمأدا للاکي اتو فرمقوان .

2.1 خنثی واضح:

علماء تله مموتوسکن بهوا اورغ یغ محقوپأي دوا الت
جنتینا این بولیہ دنتتوکن للاکي اتو فرمقوان دغن
ساله ساتو درقد تیگ چارا:

قرتام: جک اي ممبواغ ایر کچیل دری الت للاکي
مک اي دکیرا للاکي دان جک اي ممبواغ ایر
کچیل ملالوئي الت جنتینا فرمقوان مک
اي دکیرا فرمقوان .

سڦاته ڪات

داتوء مفتي نڱري قدح دار الأمان

بِسْمِ اللَّهِ الرَّحْمَنِ الرَّحِيمِ

الحمد لله رب العالمين والصلاة والسلام على إمام الداعين وسيد الذاكرين سيدنا محمد ن المبعوث رحمة العالمين وعلى آله وصحبه اجمعين . أما بعد

ساي مڱهراڦڪن اڱر رساله اين داڦت منڱادي باهن رجوعڪن دان سباڱاي ڦندوان ڪڦد اومه اسلام ترهادڦ ڦرسوألن يڱ نادير تتاڦي تيدق مستحيل برلاڪو دالم مشارڪه . ڪيت سريڱ برتمو دان بريينچڱ تتڱ ڦرسوألن اين تتاڦي تيدق سڇارا سڦيسيفيڪ دان برترسڪن شريعه . جوستروايت سڪورڱ^۱ رساله اين منچتوس سوات ايرا بارو دالم فتوى بيلا ممينچڱڪن ايسو ڪونيمڱوراري سڦرتي اين .

مسڪيفون ڪيت ڦرلو ملاڪوڪن ڦنمبه بأيقڪن دري سماس ڪسماس ترهادڦ ايسو^۲ سڦرتي اين اڱراي ليهه منتڦ نامون سباڱاي ڪلغسوڱن علمواياڻ ڦرلو دتريبتڪن سباڱاي واده فتوى ڪڦد مشارڪه دمي مڱدرڪن مشارڪه ترهادڦ ڦرانن فتوى ايت سنديري .

ساي مراڪمڪن اوچاڦن تريما ڪاسيه ڪڦد ڦيهق^۳ يڱ ترليت منريبتڪن رساله اين دان ڦتتصحيح يڱ ممبري ڪرجسام دان ڪوميتمين سهيڱڪ رساله اين برجاي دتريبتڪن . تريما ڪاسيه جوڱ ڪڦد ڦيهق JAKIM، دوڪتور انور حسيني بن حسين دري هوسڦيتل الور ستر يڱ تله مڱمڦيڪن تعليمت برڪايتن خشي ڪڦد اهلي جواتنڪواس فتوى نڱري دان تريما ڪاسيه جوڱ ڪڦد يڱبربهاڱيا توان الشيخ عبدالحميد بن محمد طاهريڱ تله ممبريڪن سومباغن ڦنوليسن . سموڱ رساله اين داڦت دمنفعتڪن باڱي ڪمصلحتن اومه .

داتوء قادوڪ الشيخ حسب الله بن حاج عبدالحليم،
دي . ايڇ . عيم . ايس . دي . ايس . دي . ڪيه . بي . سي . ڪيه .
(مفتي نڱري قدح دار الأمان)

- 1 سفاته کات
داتوء مفتي نكري قدح دار الأمان
- 2 خنثی منوروت اسلام
- 2 1. فُغرتين خنثی
- 2 2. جنيس^۲ خنثی
- 2 2.1 خنثی واضح
- 5 2.2 خنثی مشکل
- 6 3. کدودوځکن خنثی دالم مشارکه
- 9 4. فمبدهن خنثی
- 12 5. فُرکهوينن خنثی
- 15 حکوم منوکر ستاتوس جتينا
- 15 1. فندهولوان
- 16 2. ديفينيسي ”خُنْثی“ دان ”مُخَنَّث“
- 17 3. فينومينا ګولوځن ترانسيکشوال (transeksual)
اتومق په (مُخَنَّث) دمليسيا
- 19 4. کفوټوسن فتوی لالو
- 20 5. حجه دان دليل

حقی

دکلوارکن اولیه:
جیاتن مفتی نگرې قدح دارالامان
دغن کرجسام
مجلس انعام اسلام نگرې قدح دارالامان